

欽定大清會典事例

欽定大清會典事例卷七百四十五

刑部

名例律 徒流遷徙地方五

乾隆三十二年

諭。向來發遣新疆人犯。有中途竄逸者。除將該犯緝獲。正法外。其疏縱之差役。例應問擬絞候。一年不獲。請旨正法。此等兵役。管解重犯。膽敢怠玩疏縱。以致免脫遠颺。不可不嚴示儆戒。所有新疆要犯脫逃之案。除審係有心賄縱。仍照與囚同罪例定擬。其餘應問絞候。監禁一年之兵役內。為首情重者。著改發伊犁。

等處既足以昭創懲而若輩又皆年力強壯堪資力  
作之人非若積匪猾賊等類反教人為匪可比其於  
屯田墾闢自屬有益嗣後由新疆改發煙瘴及黑龍  
江等處人犯如有脫逃者既照新疆例拏獲正法其  
疏縱兵役亦著照新定發往伊犁等處之例辦理其  
餘為從情輕之兵役仍以杖流問擬至此等改發人  
犯情罪重大本屬去死一間今雖仍發內地其僉解  
當與新疆遣犯一體嚴密著各督撫嚴飭所屬文武  
員弁並當遴選妥幹兵役小心管押毋令稍有疏虞  
致罹法網○又

諭發往伊犁給額魯特為奴人犯著分給該處察哈爾及駐防滿洲官兵為奴。○又奏准各省應解湖南省

軍流人犯除永順府屬之永順龍山保靖桑植四縣辰州府屬乾州永綏鳳凰三廳本無安置軍流仍循其舊外其現在停發軍流之苗疆各屬內永州府屬之江華縣寶慶府屬之城步縣沅州府屬之芷江縣靖州本州暨所屬綏甯通道二縣共六處均係苗疆緊要之區應仍停其發往至辰州府屬之沅陵瀘溪辰溪溆浦四縣永州府屬之道州永明二州縣沅州府屬之黔

陽麻陽二縣靖州屬之會同縣共九處雖俱鄰近苗疆尚非沿途要地應將各省解到軍流仍行發往安置飭令該地方官嚴為稽查實力防範毋致滋事再地近苗疆原與腹地有別若各省徑照道里表指定處所發往恐一時遣發過多或致聚集人衆究與地方未便所有各省應發辰沅靖三府州所屬之沅陵等七縣軍流仍令解交巡撫衙門覈明各屬安插數目斟酌派撥其永州府屬之道州永明二處應遣軍流仍照向例徑解永州府與所屬一體酌撥○又奏

准例載極邊充軍者。發四千里。煙瘴充軍亦四千里。如無煙瘴地方。以極邊為煙瘴。查煙瘴地方。止有廣東。廣西。雲南。貴州。四省。因例以四千里為限。是以該四省遇有遣犯。皆聲明不足四千里。改發極邊。嗣經乾隆二十八年議准。應發煙瘴人犯。不必拘泥里數。均於隔遠本籍之煙瘴省分。互相遞發。此專指廣東等四省而言。其鄰近煙瘴之湖南。福建。四川。亦係不足四千里。應一體更正。煙瘴充軍。原屬去死一閒之犯。與問擬極邊者。輕重有別。若拘泥里數。改發極邊。

是轉減輕一等。且所謂極邊者。不過扣足四千里而止。湖南。福建。四川。編發極邊。多係江南。山西等省。是使應發煙瘴之人。轉得徙居善地。於律義未合。嗣後凡係煙瘴人犯。無論四千里內外。總於有煙瘴省分安置。將不足四千里改發極邊之例停止。○三十六年

諭。據寶麟奏。民人岳生梅。在哈爾沙爾地方。因劉士彥索債爭鬧。用所佩小刀。扎傷劉士彥耳輪等三處。傷痕限內平復。請將岳生梅從重定擬。枷號三月。滿日解交山西巡撫。定地流三千里等語。所辦未為允協。

新疆安設耕屯一切均宜整肅。民兵等設有過犯。本不當與內地同科。岳生梅雖係自往營生。但既前至新疆。理宜守法安分。乃因口角細故。輒以金刃傷人。即屬闕恨生事之輩。寶麟將該犯問擬流罪。仍請交山西定地。名為加重。而實予從寬。豈足以示懲儆。況內地情罪過重之犯。俱發新疆。今以內地民人在新疆犯法。轉得令其復還中土。何以準情法之平。嗣後除發遣新疆人犯在配所滋事不法者。仍按定例從重分別定擬外。其有內地民人於新疆地方犯至軍流之罪。如在烏魯木齊一帶者。即發往伊犁等處。其



在伊犁一帶者。即發往烏什葉爾羌等處。而在烏什各城者。亦發往伊犁等處。並視其情罪。量為酌定。輕者發各處安插編管。重者給額魯特及回人為奴。如此明示區別。庶衆人共知炯戒。而立法更為詳妥。將此諭令刑部。並通行新疆各處辦事大臣等知之。○三十七年議准。查發遣軍犯舊例。極邊煙瘴。俱發四千里。如無煙瘴地方。即以極邊為煙瘴。又犯該煙瘴人犯。若離家四千里外。並無煙瘴。即發極邊充軍等語。嗣於乾隆三十二年。經兵部奏明。應發煙瘴軍犯。向例俱定里數。改發極邊。

與煙瘴罪名本義未協。因將不足四千里改為極邊之例。永行停止在案。但問擬發遣軍犯。悉屬兇惡匪徒。煙瘴地方。僅止雲貴兩廣。而該四省所屬州縣。又不盡皆煙瘴。以十餘省匪徒。若拘泥煙瘴字樣發遣。自不免有羣聚之虞。前據各直省因所屬安插軍流。漸次壅積。請於通省州縣。按地方大小。均勻派撥。陸續奏准遵行。是安插軍流之例。既已變通辦理。則雲貴兩廣。俱係邊遠省分。更不便拘泥煙瘴字樣。致令匪徒日積日多。以滋事端。但查應發四省人犯。其中

情罪輕重。各有不同。若概行改發極邊。又無所區別。酌議將從前新疆條款內改發四省煙瘴地方者。此等人犯。情罪既屬較重。為數亦已無多。應仍照舊例發遣。面刺改遣二字。如有脫逃被獲。即照新疆脫逃例正法。其餘本例應發煙瘴及名例改發四省煙瘴人犯。應以極邊足四千里為限。按五軍道里表內應發省分。解交巡撫衙門。均勻酌發。充當苦差。面刺煙瘴改發字樣。如有脫逃。仍照煙瘴人犯脫逃例分別治罪。○又議准乾隆三十年奏准旗下另戶人等。因

犯逃人匪類及別項罪名。發遣黑龍江等處者。三年後果能悔罪改過。即入本地丁冊。擇其善者。挑選匠役披甲。給予錢糧。三年內不行改過。及已過三年。造入丁冊後復行犯罪者。即解送刑部改發雲南等省。仍於年終將復犯改發數目。於彙題一年內收到人犯數目本內。一併彙題。至奉

旨發遣旗下另戶內。如有行兇為匪者。該將軍另行請

旨辦理等因在案。再查名例內。凡旗人犯該發遣者。

發黑龍江等處當差。奉天等處旗人犯該發遣者。俱發各省駐防當差。今發遣黑龍江等處之旗人。既已奏准三年改過編入丁冊。則奉天等處發往駐防當差之旗人。若果悔罪安分。自與發遣黑龍江當差者事同一例。似應一體辦理。嗣後凡發往各處駐防當差另戶旗人。果能三年後悔罪改過。即照發遣黑龍江之例。編入本地丁冊。擇其善者。挑選披甲。給予錢糧。如三年內不行改過。及已過三年。迭入丁冊後復行犯罪者。亦照發遣黑龍江人犯改發之例辦理。並

令於年終將編入丁冊暨復犯改發數目。於收到人犯數目本內。一併彙題。至奉

旨發遣另戶內。如有行兇為匪者。仍令該將軍另行請

旨辦理。再發遣新疆當差旗人。前經烏魯木齊辦事大臣奏准。原犯軍流者。定限三年。免死減等者。定限五年。果能改過安分。即交伊犁駐防處所。歸入各旗。挑補駐防兵丁當差。惟編入丁冊之處。未經議及。嗣後凡犯該軍流等罪。發往新疆當差旗人。亦照黑龍江等處之例。一體准入本

地丁冊。挑選食糧當差。○三十八年

諭。改遣新疆人犯。內情罪較重者。從前概定三年期滿之例。原未允協。今刑部請照軍流永戍於法。固屬得平。第念新疆究與內地不同。若永遠不准放還。又覺過重。但三年為期太速。且不當與情輕人犯漫無區別。嗣後有重罪改遣新疆人犯。到戍後。如果奮勉。自效。已及十年者。著加恩准該將軍及各辦事大臣等。援引此旨。奏聞一次。其應否准令回籍之處。臨時候朕酌奪。著為令。○三十九年議准。查新疆改發內地十六項人犯。其中情罪輕重不同。故定例遠近

不一。惟回民結夥三人以上。積匪猾賊。並三次犯竊。計贓五十兩以下至三十兩。搶竊滿貫。擬絞。緩決一次。竊盜三犯。贓至五十兩。擬絞。緩決一次。及行竊軍犯在配。復犯行竊等六條。情罪尤重。俱發雲貴兩廣極邊煙瘴地方充軍。此等犯內有老疾殘廢及年逾五十者。仍與別項改發人犯一體免刺。改遣字樣。蓋緣從前初定改遣新疆條例之時。凡有年力衰敗不任耕作者。俱免其實發。是以積匪等人犯亦仍照原例辦理。並非輕減其罪。竟等於尋常應發四省人犯。



也。且三十七年因煙瘴地方人犯日衆。酌議指明新疆款內改發四省煙瘴者。情罪俱屬較重。為數亦自無多。應仍照舊發遣。其餘本例應發煙瘴及名例改發煙瘴等項。均以極邊足四千里為限。業經奏准通行在案。是回民結夥三人以上等六條。即係原議指明之新疆改發四省煙瘴人犯。自應仍俱照舊發遣。與別項本例名例應發四省改發足四千里者不同。此案回民李桂既係結夥三人行竊之犯。則改發四省煙瘴係其正條。因其年逾五十。免刺改遣字樣。較

之五十以下人犯已屬輕減。若因從前不任耕作之人。曾准其停發新疆。隨為牽引比附。將新疆改發款內。應發煙瘴六項人犯。俱與本例名例。應發四省者一體改發四千里。殊與前議不符。查近來各省辦理此等案犯。因新例通行未久。多致不能畫一。相應通行各省督撫。嗣後新疆改發款內。遇有回民結夥三人以上等六項。應發四省煙瘴人犯。老幼殘疾及年逾五十者。雖免刺改遣字樣。俱應仍依原罪。實發雲貴兩廣。畫一辦理。○四十年議准例載新疆改發內

地人犯面刺改遣二字。如犯事到官。年在五十以上。及成殘廢者。仍照本例刺字等語。雖無年正五十者。作何辦理明文。惟查犯罪時未老疾律註內載如六十九犯罪七十事。發得收贖等語。則年正五十人犯。自可援照辦理。○又議准由兵丁閒散等項發往人犯。向例按其情罪輕重。分別三年五年。詢明願接眷屬者。即令其在伊犁充當兵丁。不願接眷者。即發往塔爾巴哈台。入於換防兵丁數內。給予鹽菜口糧。不給錢糧。永遠當兵。從無准其回籍之事。但不明立章。

程恐日後辦理或有歧誤。嗣後凡有兵丁間散等項。原犯軍流改發新疆之犯。刑部於擬罪摺內。聲明永遠不准回籍。行文該處大臣。照依向例分別辦理。○四十一年。烏什辦事大臣奏。噶岱墨特所買家奴額魯特生事不法。請發伊犁奉

旨。伊犁係額魯特原籍。若發遣伊犁。與發遣原籍無異。著解京發煙瘴地方。嗣後照此辦理。○四十七年。諭要俊卿一犯。本擬按律杖流。因情節較重。改發新疆。今年滿釋回。則較原擬流罪不准限年回籍者轉輕。

嗣後凡遇此等情節可惡發往新疆之犯年滿時仍將該犯發交應配地方安插遇有恩赦再令回籍○五十一年議准永遠枷號人犯其所犯情罪非係兇惡棍徒擾害閭閻即屬無恥莠民有關風化是以不計罪之輕重概以永遠枷號示懲數十年來每月支給口糧且需官兵晝夜嚴密看守稍有不周難免滋生事端查此等人犯既已枷示多年若久令安食糜費轉無以蔽厥辜自應投畀遠方使身受磨折方足以儆兇頑而昭國憲惟各犯原犯罪名輕重不同一概擬遣未免

無所區別。應將枷示已逾十年之犯。其原擬死罪。並發遣新疆。情節較重者。發往伊犁等處。原擬發黑龍江等處者。發往烏魯木齊。原擬軍流以下者。發往黑龍江等處。其擬發新疆各犯。如當日犯事時。係在伊犁烏魯木齊等處者。互相調發。分別旗民。當差為奴。旗人原擬銷去旗檔者。照民人例為奴。令配所官員。加意稽察管束。儻有在中途配所脫逃。及滋事擾害者。無論發遣新疆及黑龍江等處。俱即行正法。以示懲儆。並通行各省。嗣後遇有永遠枷號人犯。均照此。

例辦理○又

諭石二等係獲罪遣犯不但在配所知罪安居尚欲奮  
勉贖罪將在逃遣犯徐四拏獲則與衙役拏獲犯人  
者不同奎林等雖已賞賜尚不足以示鼓舞著詢問  
石二莫紹仁伊等願入彼處民籍即著赦罪入彼處  
民籍願回本籍即著全回本籍如再有似此者即著  
為令○五十二年伊犁將軍奏遣犯于觀彩等拏獲  
逃遣張添喜正法于觀彩等可否令其回籍又  
遣犯石鳳等聽從畏罪自縊之張鳳智拏獲逃  
遣王巴兒並不即時送官商串無干多人賄囑

幫拏冀圖回籍等因奉

旨覽奎林等奏。審出拏獲逃犯一人。而匿不詳報。以致賣與欲回原籍無干之人。如此舞弊。無非仰賴朕有恩旨。以圖徼幸回籍。實所不免。因一無用逃人。豈可致令重犯多人得徼幸乎。將此通行新疆將軍大臣等。嗣後如遇拏獲逃人之犯。不拘年限。准為彼處之民。不准回籍。如已為民人後。又拏獲逃人。再遵從前所降諭旨。准回原籍。即緝獲逃人一人。拏獲自屬當然。儻或逃人力壯。一人不能緝獲。再添一人幫拏。尚可。若因循漸久。一人拏獲。而妄報會同數人拏獲。以



圖傲幸。此風斷不可長。嗣後概不准過二人。著為令。

○又

諭。據伊桑阿等奏請發遣哈密屯田為奴罪犯王盡忠等。已逾十年。俟再滿五年。准其為民等語。甚屬錯謬。王盡忠等七犯。俱係進勦逆匪王倫從軍畏懼逃散者。情殊可恨。免其死罪。僅予發遣。已屬傲幸之至。若因發遣之地。伊主不能管束。令其種地尚可。如拘定數年之後。准其為民。即可與常犯無異。實不足以示儆。嗣後凡遇發遣為奴之犯。種地尚可。不必令其為民。○五十三年

諭據尚安奏將發遣烏魯木齊巴里坤古城等處給滿洲兵丁為奴之遣犯額魯特土爾扈特布魯特回子等請發煙瘴地方等語。尚安所奏尚是。烏魯木齊等處即係蒙古地方。去伊犁回子各城及土爾扈特游牧處亦甚不遠。額魯特土爾扈特回子等犯罪。若發烏魯木齊巴里坤古城等處與滿洲兵丁為奴則與伊本處相近。不止由山谷易於逃逸。亦不足以示儆。蒙古回子人等。今將烏魯木齊等處所有鄂畢特等十七人。即照尚安所奏著解送陝甘總督擬定地方改發煙瘴。嗣後再有此等應發烏魯木齊等處之額

魯特土爾扈特回子布魯特等遣犯俱著照此分發內地。○又議准嗣後凡尋常軍犯及由流加發軍犯脫逃被獲應由配所計程定地發配之犯如表內配所應發近邊邊遠地方與該犯原籍相近他無可以改發者即加一等改發應近邊者以邊遠計發應邊遠者以極邊計發均以距原籍四千里為限庶足以迴避原籍之地不致欲遠轉近其應該枷號杖責之罪及將來再有脫逃改發黑龍江給予披甲人為奴之處仍依定例從本罪科斷。○五十四年

諭前經刑部以新疆遣犯衆多。奏請少發。現在定擬發遣各犯已俱照此辦理矣。但外省審辦案件。有減死一等重犯。以及問擬軍流人犯。情節較重不足蔽辜。從重辦理者。仍多奏請發往新疆伊犁等處。此等兇惡匪徒。同在一處。聚集成羣。難保無糾約滋事之患。且年復一年。人數日益衆多。於該處地方及約束收管。均有未便。嗣後應問擬發遣各要犯。分往吉林打牲烏拉。及黑龍江之索倫達呼爾琿春等處。俾兇徒不致日聚日多。方為妥協。著刑部堂官酌定章程具奏。即行文各直省。令其一體遵照。○又

諭。昆英係旗人正身。不知自愛。乃因伊叔薩克進布責打。即行逃走。在京城內外逐日短雇當閒。二年有餘。又復逃至山東。實屬下賤。不顧顏面。昆英著銷去旗檔。發往配所。該犯習於下流。到該處後。即可聽其自便。亦不值復令當差。反得養贍。嗣後刑部遇有此等案件。即照此辦理。○又議准鐵廠之設。原以濟屯田農具之用。舊例於遣犯內。擇年力精壯者二百名。以一百五十人挖鐵。五十名種地。供挖鐵人犯口糧。至一切雜費。於遣犯內酌募有力者。每年捐資三十兩。以供廠費。定以年限。與挖鐵種

地各犯一體咨部。分別為民回籍。惟是開廠之初。捐資人犯約有百餘人。或七八十人。每年除用外尚有贏餘。至四十八年後。其能捐銀者僅十餘人。或七八人不等。不敷所用。嗣後不必拘定三十兩之數。或二十兩。或十餘兩。俱准其呈報。並揀派效力廢員一人。明白勤慎者。令專管廠務二年。所有遣犯捐資不敷。責令該員捐墊。如辦理妥協。年滿時。將其出力之處。具奏請旨。至向例遣犯捐資三十兩者。滿十五年。咨部分別為民回籍。今仍照向定年限外。其二十兩者。酌

加一年。十餘兩者。酌加二年。統計年滿能始終奮勉。方准回籍。其為奴人犯。止准為民。不准回籍。○五十六年

諭。刑部議覆江蘇省拏獲盜犯謝鴻儀等。分別治罪一摺。案內孫元梅。以監生窩頓私鹽至四千斤以上。恃符庇匪。未便因其係屬監生。免其為奴。應將該犯發黑龍江給披甲人為奴等語。所奏是。已依議行矣。該部議重。原係遵朕諭令改者。向來監生犯事。罪應發遣者。例止發往當差。與平人為奴者不同。定例本未允協。監生捐銜者多。即實在監生。既名列成均。理宜

畏法自愛。若以定例改寬。輒敢恃符玩法。較之無知。愚民尤為不肖。且此已犯罪斥革。即與平人無異。豈得因其原屬監生。即免為奴。致滋輕縱。嗣後監生犯事。有似此情罪較重者。俱照平人一律辦理。至在籍候選之進士舉人。及其餘舉貢生員。皆屬身列衣冠。名登黌序。若能安分守法。立品讀書。為小民倡率。原當加以禮貌。別於齊民。儻恃符縱肆。自蹈刑憲。是即不知君子懷刑之義。為士林所不齒。免其加倍治罪。已屬法外施仁。轉復較平人從輕定擬。何以明刑弼教。嗣後進士舉貢生員等。如止係尋常過犯。不致行



止敗類者。仍照舊例辦理。若係黨惡窩匪。卑汙下賤者。著照平人之例問擬。以示懲儆。○五十八年

諭。據尚安奏稱發遣烏魯木齊充當苦差效力候補原任都司陳士份。原任把總楊飛鵬。俱三年期滿一摺。業經批交再留三年矣。其從前發遣此等人員。年滿具奏。再留幾年。如復留年限期滿。仍具奏一次。徒滋煩瑣。嗣後發遣伊犁烏魯木齊等處此等人犯。年限期滿具奏。再留幾年。所留年限期滿。不必復奏。即著照例釋回。著為令。○五十九年

諭。前因發遣各處官犯久留邊地。特降旨令軍機大臣

會同該部查明各犯原案。分別情節輕重。年分久暫。定立條例。妥議具奏。今又思不特官犯為然。即常犯內獲罪較重。按律發遣新疆。及免死減等者。固屬罪所應得。而其中有所犯本罪止於杖徒軍流。經該部及各省督撫。於覈辦時。從重問擬。新疆等處者。亦復不少。以致節年發遣之犯。日積日多。新疆難以安插。因而改發黑龍江及各回疆等處。似此有加無減。設黑龍江等處。復有人滿之患。又將安插何處耶。殊非矜恤之義。現在春膏未溥。正應省刑慎罰。以期感召和甘。嗣後該部及各督撫。辦理此等案件。除罪應發

遣新疆及免死減等。仍照例辦理外。如所犯情節較重。僅按本律問擬杖徒軍流不足示懲者。亦止應照本罪定律加一等問擬。不得有意從重。越等加增。以昭平允。欽此。遵

旨議定。新疆各案人犯。請按原犯軍流杖徒罪內情節。尚輕年久者。依次遞減。予杖徒完結。年淺者。俟滿三年。按原罪遞減。情節略重者。仍留三年。限滿後。按原罪遞減。其並無原擬罪名。徑發新疆者。覈其年分情節。照軍流杖徒重罪發遣人犯。例一體分限減等。其新疆情節較重各犯。官自

不應復行錄用。惟情節尚不甚重者。請再留戍所三年。分別減等。該將軍等遇有需員差委。先儘此項官犯內。擇才具堪用者挑補。至吉林黑龍江等處人犯。向無效力釋回之例。應並覈其情節可原者。入新疆各犯單內。酌減完結。其軍臺各犯。俟年滿交清臺費。准報部存案。釋回旗籍。未滿年限。力能捐贖者聽。曾任州縣以上等官。效力年滿。咨查原籍實在無力完繳。亦准釋回。佐雜微員及武職守備以下。不能交清臺費者。即於年滿酌改徒罪發落。

欽定大清會典事例卷七百四十六

刑部

名例律

徒流遣徙地方六

充軍地方

嘉慶四年議准。發遣新疆人犯脫逃正法之例。原為邊地甫經戡定。不得不從嚴懲治。今新疆久隸版圖。沾濡

聖化。已與內地無異。發往人犯。與發遣黑龍江等處情罪相同。查發黑龍江等處各條。除強盜免死減等。係由重減輕之犯。如有脫逃。例應正法外。其餘例應發往及由輕加重改發者。如有脫逃。

例止枷號。俱不正法。嗣後發遣新疆人犯脫逃。亦照黑龍江之例。由死罪減發者。仍行正法。其餘遣犯被獲。即在配所用重枷號三月。杖責管束。○六年議准。伊犁廠局船工。現乏人役使。將應發回疆五項人犯。並烏魯木齊等處遣犯。洋盜案內在外瞭望接遞贓物。例應發往黑龍江打牲索倫達呼爾為奴盜犯。一併發往伊犁。照例分別當差為奴。○八年奏准。應發回城五項人犯。照例發遣回城。給伯克為奴。其例發新疆人犯。行令陝甘總督照例均勻酌撥。毋庸專

發伊犁。至洋盜案內各犯。亦照舊例發遣黑龍江等處為奴。再伊犁等處遣犯。自嘉慶四年後。所有辦理章程。兩次奏請更易。此等遣犯。時多時寡。應令該將軍酌量各該處人數。隨時酌撥調劑。以免屢次更易成例。○十年

諭。近年來閩廣等省案犯發吉林安插者。有三百餘名。聞黑龍江較此更多。此等人犯。均係獷悍無賴之徒。到配後無人管束。又無口食。三五成羣。易於滋事。安插各犯。自因其原犯罪案。比之為奴各犯較輕。是以量為末減。但為奴之犯。各有本主約束。給予口食。轉

可相安。至安插各處之犯。若因其無人管束。概令為奴。則竟與緣坐家屬等項。免死減等重犯。一律辦理。未免太無區別。若任其散處。則此等匪徒。既無隨時禁轄之人。又復窮苦乏食。必致聚而為匪。滋生事端。且每年發遣人犯。愈積愈多。亦屬不成事體。著刑部詳查舊時例案。悉心籌酌。將此項人犯如何位置。如何管束。俾餬口有資。共知畏法。可期行之永久。妥議章程具奏。欽此。遵

旨議定。此項安插人犯。均係閩廣添弟會匪案內聽從被脅。並未轉糾夥黨。於首犯死罪上減等擬流。



照叛案干連流徙烏拉地方例。發遣吉林之犯。不便與尋常軍流人犯散置內地。而究非大逆緣坐免死減等可比。亦不便概令為奴。向來安置外遣人犯。除吉林黑龍江外。惟新疆各處幅員最為廣闊。當差種地。在在需人。莫若將從前酌撥新疆之積匪猾賊竊盜臨時拒捕傷非金刃傷輕平復者。搶奪傷人傷非金刃傷輕平復者。發掘他人墳冢見棺槨為首及開棺見屍為從者。回民行竊結夥三人以上。執持繩鞭器械者。搶奪金刃傷人。及折傷下手為從者六項。仍

照舊例。改發內地。將會匪一項。全行發往新疆  
安插。○十一年

諭。向來免死改遣吉林黑龍江及伊犁烏魯木齊等處  
人犯。為常赦所不原者。終身不能援減釋回。此等案  
犯。率皆桀驁不馴之徒。歷年遣發。日聚日多。該犯自  
知永無生還之望。暨不知畏。轉於配所三五成羣。或  
犯法滋事。或脫身潛逃。均所不免。因思各該犯內。情  
罪亦有不同。除特旨發遣不准減免各犯外。其餘照  
例改遣之犯。莫若定以到配年限。本犯年歲為斷。伊  
等到配年久。漸加約束。即素性獷悍。而垂老餘生。諒

不至如少年好勇鬪狠之習。似可量加賞宥。予以自新。著刑部堂官檢覈例案。參勘情罪。將此等人犯。如何定立限期。分別減等。或改發內地。或釋回原籍。俾歸平允之處。悉心妥議具奏。以示朕法外施仁至意。

○十五年

諭。向來發往伊犁烏魯木齊等處廢員。到戍時均由該處將軍都統奏聞。三年屆期。並將該員當差勤慎與否。奏明請旨。遇有事故。亦隨時具奏。惟發往熱河之員。向俱無人管理。嗣後著交熱河副都統。遇有發往之員到日。即行奏明派在何處當差。至三年期滿。亦

分別具奏請旨。其有事故者。隨時附奏。著為令。○十

七年

諭。東三省為我朝龍興之地。因吉林黑龍江二處地氣苦寒。從前定例。將獲罪人犯。發往該處給兵丁等為奴者。彼時人數有限。到配後尚易於管束。近緣廣東福建等省。辦理洋盜會匪等案。將夥犯情重者。俱照擬發往。人數積至數千名以外。該處兵丁歲支錢糧。本有定額。止敷養贍身家。今發給為奴者日增日衆。責令收養。其生計必愈形苦累。且該處習尚淳樸。此等為奴人犯。大率皆兇狡性成。百千羣聚。故習未悛。

甚或漸染風俗。於根本重地。尤屬非宜。甚有關係。著刑部即速詳查該二處現在業經到配為奴之犯。共有若干。此內數其在彼年久者。量減軍流。分別改發煙瘴極邊等處。其到配未久。未便減等者。即著改發新疆。並著改定條例。嗣後各省案犯。有例應發遣該二處為奴者。量予區別。酌留數條。其餘洋盜會匪人數較多之案。均酌擬改發新疆及煙瘴等處。奏明條款。纂入律例遵行。○道光元年

諭。方受疇奏。邪教案內留於本境永遠枷號人犯。請即行解配等語。邪教案內應行發遣人犯。留於本境枷

示。原以化誨愚蒙。俾知儆戒。今本犯既不知改悔。匪徒復踵習其教。自不若投之遐荒。免滋煽惑。著即照該督所議。咨明李老和二犯仍照刑部原議。一併解發回城為奴。嗣後拏獲邪教案犯。審明應發遣者。均即行解配。其有情節較重者。發往配所永遠枷號。毋庸留於犯事地方監禁枷示。以消萌孽。○八年

諭。曹振鏞等覈議兵部奏軍臺效力廢員無力完繳臺費。請照舊例辦理一摺。嗣後坐臺廢員。三年期滿。無力措繳臺費。曾任州縣都司以上者。著照乾隆五十四年舊例。由部行令該旗籍詳查結報。並無捏飾。將

該廢員再留臺五年。始准釋回。如能於留臺五年限內設措完繳。亦准該都統隨時具奏。請旨釋回。其縣丞守備以下坐臺廢員無力繳費。仍著於三年期滿時。照例改擬杖徒完結。至兵部所請免其餘罪之處。著毋庸議。○又

諭。那彥成等奏回疆遣犯。請給章京衙門服役一摺。向來發遣回城人犯。例給伯克回子為奴。近因漸積漸多。回子難於管束。且各城印房等處章京筆帖式役使乏人。著照所請。嗣後發給回城為奴之犯。准其酌量撥給印房各章京筆帖式等供役。該章京等卸任

之時列入交代。不准攜回本旗。俟撥給各章京衙門足數役使。再分給大小伯克為奴。毋庸分給小回子。以免拖累。著該部載入條例。通行各直省。及回疆各城大臣。一律遵照辦理。○二十四年

諭軍機大臣會同刑部議奏貴州軍犯擁擠酌減調劑等語。新疆遣犯改發內地。恐人數衆多。不特約束難周。且於民風大有關礙。非若新疆地方遼闊。外遣人犯。易於安插。所有舊時改發內地各條。著仍照舊例發往新疆。交該將軍設法妥為安插。並嚴飭所屬認真查覈。嚴加管束。毋令滋生事端。俾期積久無弊。○



光緒二年議准。定例回民結夥搶奪及持械兇毆俱實發四省煙瘴。不得編發甘省回民聚集之地。原係杜漸防微。按四省煙瘴。雲貴二省甫經平定。雲南尤屬漢回雜處之區。均未便遽行安插回犯。嗣後各省結夥行竊之回犯。照本例改發兩廣地方。其非情重回犯。仍按表辦理。不得概行發往。○七年題准。夥盜供獲首盜減發為奴章程。係在十一項強盜到配後鎖帶鐵杆石墩名例之後。未經增入。然同一強盜擬遣為奴改軍之犯。未便辦理兩歧。嗣後此項人犯。改

發極邊煙瘴充軍。仍以足四千里為限。到配鎖帶鐵杆石墩二年。○十年奏准。嗣後秋審減等之犯。僉同妻室子女。發配新疆。助興屯政。其車輛口糧。一併由沿途地方官撥護資送。並將罪至軍流以上官犯。照舊發往。按屯撥給地畝。令其督辦開墾。如率作勤奮。有耕地多而收穫廣者。由該管大臣隨時奏明。分別減釋。○十一年奏准。前因軍流徒犯配逃日衆。奏令各省督撫就地。方情形妥籌安插。茲據直隸等省所議。統加詳覈。直隸熱河奉天等省。向不安插軍流。止

有徒犯。熱河徒犯。均發內地。吉林黑龍江從前  
遣犯最多。後經停止。惟旗人及宗室有犯。俱照  
例發往。每年亦不多見。約束甚易。該處及奉天  
徒犯報逃者少。且向有口糧。謀生亦易。覈與江  
蘇安徽湖廣山東山西等省所奏徒犯情形相  
同。俱可毋庸另籌。直隸徒犯。較他省多至數倍。  
其報逃者。亦倍於他省。且多係搶竊游惰等犯。  
據該督奏稱。嗣後收入自新所。責令學習織帶  
編筐等項手藝。自可照辦。仍飭令各該州縣認  
真稽查。毋得徒託空言。有名無實。河南甘肅二

省。則以命案各犯。給資營生當差。搶劫各犯。收入自新所軍流所看管。河南省並稱一二年後。察其情形。再一體安頓。甘肅似亦可仿照行之。四川省則擬設徒流所。令各犯學藝謀生。與直隸用意相合。河南甘肅既同設有專所。與其徒加看管。似不如亦責令學習手藝。則各犯勤而習勞。遷善更易。山東山西二省。則按軍流各犯原案輕重。分別營生當差。貴州陝西雲南安徽福建浙江廣東七省。則以老病者入養濟院。餘或給資營生。或隨同捕盜屯邊。均係按地方情

形辦理。安徽並稱年終造冊。歸臬司彙查。更屬周密。各省似皆可仿行。湖南湖北二省。則擬令應役充夫。及捕盜立功。至甘肅省所稱檢查犯冊。未見配所有家而逃者。如尋常命案情有可原者。擬令攜帶家口充役營生等語。係屬安插軍流第一良法。惟僉妻之例。久經停止。一旦遽行議復。不特地方官沿途資送。需費浩繁。即各犯家室。亦未必盡願到配。似不如於定案之時。詢明各犯是否情願攜帶家室。如有願帶而無力者。地方官可量為資送。以示體恤。其不願者。

聽。庶情法兩得其便。應由各該督撫按照所奏自行定立詳細章程。飭屬認真整頓。仍照安徽四川等省所議。飭令各該州縣將逃犯數目。按季造冊詳報。由該督撫年終咨部查考。○又奏准。秋審免死。准減人犯。發往新疆助興屯田。各省合計不下數千人。再加僉同之妻室子女。數已逾萬。沿途地方支應不易。防範難周。且新疆屯政甫經舉辦。一旦發往多人。亦慮急難安插。查陝甘。山西。四川。距新疆道里均不甚遠。其直隸。山東。河南。雖距彼稍遠。而風土情形尚不甚

懸殊。先儘此七省人犯。陸續發往。其餘各省。仍照軍流成例。定地發配。如果數年後。該處屯田大興。耕作需人。再行奏請酌量添發。○十三年議准。甘肅新疆巡撫奏。新疆助墾人犯。到配酌量戶口。分撥各廳縣安插。有室家者。撥給地畝。俾安耕作。老弱不能力耕者。於各衙門分派役使。或給資本貿易。至各犯僉同妻子改發新疆。原期室家相聚。既可盡力農耕。生齒日繁。並可漸臻富庶。若大半令其隻身前往。於興屯實邊。仍屬毫無裨益。應令直隸等七省起解各犯。凡

有室家者。概行僉同起解。不得任其藉詞支飾。率免僉發。其實係隻身人犯。在途既易滋事端。到配亦難安耕作。仍應按表定發內地。毋庸再發新疆。以省煩擾。至此項改發新疆人犯。原與實在遣犯不同。錢糧全完之年。即准入籍為民。○十五年奏准。嗣後新疆等處效力官犯。凡事犯在

恩詔以前。除已滿三年者。仍欽遵

恩詔辦理外。如到配未滿三年。亦准一體查辦。令該將軍等彙冊咨部。由刑部覈其情罪較輕者。扣



滿三年。准令釋回。其情罪稍重者。或酌留一二年再行釋回。至事犯在

恩詔以後各官犯。應仍照例定年限。俟期滿後再行覈辦。不得以該廢員等效力空詞。率行奏請減釋。以符舊制。○十六年奏准。恭逢

恩詔查辦已滿三年各官犯。由刑部覈明情罪。分別准免不准免。開單具奏請

旨。凡在不准援免之列者。皆係情罪較重。仍照例定十年限滿。方准奏請。以符舊制。○又議准。直隸山東山西河南四川陝西甘肅七省免死減等

各犯。僉同妻室子女。發往新疆助興屯政。無論  
是否已滿升科年限。錢糧全徵與否。凡到配在  
十五年三月十六日

恩詔以前者。即准一體免罪。入籍為民。遇事照平民  
辦理。

充軍地方。○凡問該充軍者。附近發二千里。邊  
衛發二千五百里。邊遠發三千里。極邊煙瘴俱  
發四千里。如無煙瘴地方。即以極邊為煙瘴。定  
衛發遣充軍。人犯在京兵部定衛。在外巡撫定  
衛。仍鈔招知會兵部。其問該邊外為民者。鈔招

解送戶部編發。謹案雍正三年刪改。直隸布政

司府分發山東。附山西。近江南。附近湖廣。

附近陝西。附近浙江。附近江西。附近廣東。

東衛所。江南布政司府分發湖廣。附山東。近

近浙江。附近陝西。附近直隸。附近山西。

極邊廣東。邊煙衛所。山東布政司府分發登

州府。附直隸。附近江南。附近山西。附近浙

江。附近陝西。邊煙衛所。山西布

政司府分發山東。附近江南。附近陝西。附近

極邊湖廣。附近浙江。極邊江西。邊廣東。極

煙衛所。河南布政司府分發山東。附近山西。附近

湖廣。附近直隸。附近江南。附近陝西。附近

浙江。附近廣東。附近陝西布政司府分發甯夏衛。河州衛。附近直隸。附近山西。附近本

都行都司。附近山東。附近湖廣。附近

江南。附近廣東。附近陝西布政司

府分發江南。附近山東。附近湖廣。附近

直隸。附近山西。附近陝西。附近廣東。附近

布政司府分發山東。附近浙江。附近湖廣。附近

陝西。附近四川。附近

直隸。附近陝西。附近四川。附近

所。湖廣布政司府分。發襄陽府。附近江西。附近浙

江。附近遠四川。附近江南。附近遠山西。附近衛

遠陝西。附近遠直隸。遠廣東。附近遠江

煙衛所。福建布政司府分。發浙江。附近江西。附近江

南。附近遠廣東。附近遠湖廣。附近山東。遠衛

直隸。遠四川。遠衛所。廣東布政司府分。發潮

州府。附近湖廣。附近遠山西。遠四川。遠山東。遠極

衛所。廣西布政司府分。發江西。附近遠湖廣。附近

遠四川。遠山西。遠陝西。遠浙江。遠廣東

遠。附近遠煙瘴衛所。四川布政司府分。發越嶲衛



充軍者。在京行兵部定衛。在外係巡撫有行者。	及問該邊外為民二句刪去。○條例一。凡問該	年因將如無煙瘴地方二句。○附律一。凡問該	年停止。邊外為民之例。三十一。六年。乾隆三十七	煙瘴不足四千。里改發極邊之例。乾隆三十七	丈係發各省衛所。今將直隸等處發配人犯。原	律內定衛。改為定地。其直隸等處發配人犯。原	此律。乾隆三十六年。奏准。今衛所專司。抗運漕	糧。並不收管軍犯。將邊衛充軍。改為近邊充軍。	衛。太平。千戶所。雍正三年。裁准。道里。遠近。改定	川布政司。分府。分發。廣西。都指揮使司。所轄。南甯	衛。廣東。布政司。分府。分發。廣西。都指揮使司。所轄。南甯	司。府。分發。陝西。都指揮使司。所轄。南甯	指揮使司。所轄。南甯	甯衛。太平。千戶所。分發。陝西。都指揮使司。所轄。南甯	海。南。衛。直隸。府。分發。廣西。都指揮使司。所轄。南甯	衛。山東。布政司。分府。分發。廣西。都指揮使司。所轄。南甯	西布政司。分府。分發。廣東。都指揮使司。所轄。南甯	廣西。都指揮使司。所轄。南甯
-----------------------	----------------------	----------------------	-------------------------	----------------------	----------------------	-----------------------	------------------------	------------------------	---------------------------	---------------------------	-------------------------------	-----------------------	------------	-----------------------------	------------------------------	-------------------------------	---------------------------	----------------

巡撫定衛。巡按有行者。巡按定衛。其所屬自問者。有巡撫處。申呈巡撫。無巡撫處。巡按定撥。仍鈔招行兵部知會。其問該邊外為民者。亦鈔招送戶部編發。謹案此條係原例。雍正三年刪改。定為律文。○一。凡永遠充軍。或奉有

特旨處發。叛逆家屬子孫。止於本犯所遺親枝內勾補。盡絕。即與開豁。若未經發遣。在監病故。免其勾補。其實犯死罪。免死充軍者。以著伍後所生子孫替役。不許行勾原籍子孫。已前勾補過者。不得混行告脫。其餘雜犯死罪。並徒流等罪。照



例充軍及邊外為民者俱止終本身

謹案此條係原例雍正三年因現今無勾

補之例奏明刪除

○一凡問發充軍及邊外

為民者免其運炭納米等項並律該決杖就拘當房家小起發隨往其餘人口存留原籍辦納糧差若發邊衛充軍者原係邊衛發極邊原係極邊常川守哨其無極邊字樣者遠不過三千里程限不過一二月發邊外為民者原係邊外並邊境民人發別處極邊前二項人犯雖有共犯本例不言不分首從者仍依首從法科斷為從者照常發落

謹案此條係原例

○一凡問發邊外為

民者。僉妻起發。如原係邊外。並邊境人民。俱發

別處邊外。謹案此條雍正三年刪改。乾隆三十

除。○一。凡充軍及邊外為民人犯。屬軍衛者。軍

衛僉解。屬有司者。有司僉解。謹案此條係原例

正三年增。乾隆三十二年。以衛所既不管軍

犯。均歸有司起發。毋庸分別定例。此條刪。○

一。各省充軍人犯。除發現在各衛所外。具有應

發之衛所。已改設州縣者。亦照舊發邊。仍註軍

籍當差。以該州縣為專管。該府為統轄。如有脫

逃疏縱。將該府州縣職名查叅。謹案此條雍正三年定。○

一。凡各省充軍人犯。該州縣仍註軍籍當差。以

該州縣為專管。該府為統轄。如有脫逃疏縱。將

該府州縣職名題參。

謹案此條乾隆三十三年改定。

○一奉天

直隸。不便安插軍流罪犯。嗣後各省軍流。均按

照五軍道里表。及三流道里表。分別等次。改發

別省。其應發奉天直隸府州等處。永行停止。

謹案

此條乾隆二十一年定。

○一犯該邊衛永遠充軍者。改為

邊遠充軍。犯該邊遠永遠充軍者。改為煙瘴充

軍。若犯該離家四千里外。並無煙瘴。即發極邊

充軍。犯該極邊煙瘴永遠充軍者。亦止發極邊

煙瘴充軍。

謹案此條雍正十一年定。為欲改永遠充軍之例。而設。乾隆五年修改。定。

為此條。三十二年。以永遠充軍之例既裁。將此條刪除。○一貪贓官役。應

發尚陽堡遼陽者。改發川陝邊省。令該督撫查

照原罪。定地遠近。安插為民。其衙門蠹役。恐嚇

索詐十兩以上。例發奉天安插者。改為邊衛充

軍。官船戶私鑄錢文。夾帶移往他處。例發遼陽

安插者。改為杖一百流三千里。無票出口。例發

遼陽安插者。改為杖一百流三千里。謹案乾隆

內應發尚陽堡遼陽奉天等處者。議准並改內地軍流。此條其總例。因既於各本條改正。毋庸

列入例冊。將此條刪除。

欽定大清會典事例卷七百四十七

刑部

吏律職制

官員襲蔭官不許封公侯

大臣專擅選官選用軍職

文濫

設官吏

官員襲蔭。○凡文武官員應合襲蔭職事。並令嫡長子孫襲蔭。如嫡長子孫有故。嫡次子孫襲蔭。若無嫡次子孫。方許庶長子孫襲蔭。如無庶出子孫。許令弟姪應合承繼者襲蔭。若庶出子孫及弟姪。不依次序。攙越襲蔭者。杖一百。徒三年。其軍官子孫年幼未能承襲者。申聞。

朝廷紀錄姓名。關請俸給。優贍其家。候年一十六歲。方令襲職管軍辦事。如委絕嗣無可承襲者。亦令本人妻小。依律關請俸給。養贍終身。若將異姓外人乞養為子。瞞昧官府。詐冒承襲者。乞養子杖一百發邊遠充軍。本家所關俸給。截日住罷。他人教令者。並與犯人同罪。若當該官司知其撓越。詐而聽行。與同罪。不知者不坐。謹案雍正三年奏准。今承襲世職。俱憑本族及該管官保送該部。奏請承襲給俸。若年幼者。候年一十八歲。方令上朝應公役。律文軍官子孫以下至管軍辦事等句。改為其子孫應承襲者。移文奏請承襲支俸。如所襲子孫年幼。候年一十八歲。方預朝參公役。

○附律一。武職條例。

有因年遠及典刑等項。例不應襲。而有嫡子孫弟姪者。給予冠帶操備。月支米一石。有功。照舍人例升賞。○一。武職降調充軍。本身再不准襲。○一。降級官現在。而子孫願就現降職事者。准令襲。逃官不知去向三年者。亦准襲。被告脫逃該徒以上。問革為民者。至六十。仍許襲。○一。旁支承襲例。如高曾祖原係功升總小旗。以後從曾伯叔祖。或從伯叔祖堂伯叔。又立功升官者。指揮革。襲試百戶。千戶革。襲署百戶。子孫准承襲。百戶革。充冠帶總旗一輩。子孫止替旗役。其

試職署職。如無軍功。雖遇例不許實授。若高曾祖不係功升旗役者。旁支子孫。不准承襲。○一。武職為人命典刑充軍者。子孫襲調別衛。為事脫逃革職者。子孫仍照舊例襲職。○一。應襲舍人犯劫盜者。弟姪照祖職降一等承襲。該優給者依此例。○一。軍職犯知強盜後分賊滿數充軍者。子孫襲職或優給。俱於應襲職事上降三級。○一。軍職襲替。有不由軍功例該減革卻行捏奏。兵部官吏阻壞選法者。問調邊衛帶俸差操。○一。軍官子孫告要襲替。移文保勘。如雲南



貴州四川廣東廣西福建江西浙江十五年之外。直隸江南湖廣陝西河南山東山西遼東十二年之外。人文不曾到部者。不准襲替。發原衛所隨舍餘食糧差操。中間果因追徵錢糧未完緣事提問未結。及年幼例不應襲。以完事出幼之日為始。亦照前雲南等處十五年直隸等處十二年之內。但有撫按官給予明文。及限內告有執照者。照舊襲替。若都司本衛所官勒捐財物。故意刁難。不與保送者。問發帶俸差操。○一。保到軍職應襲兒男弟姪。但有姻族並無干人。

奏告。或生乞養倫序不明等情。已經勘明。繳報兵部。原告又行捏詞。奏告者。問罪。屬軍衛者。調邊衛差操。屬有司者。發邊外為民。應襲者。即以入選。原詞立案不行。○一。官軍軍丁。有將戶內弟姪子孫過房與人。或被官豪勢要。和買改易姓名者。不分年歲遠近。許其取贖歸宗。聽繼。若占愆不發者。所在官司追究治罪。其誘買各邊軍丁者。問發極邊衛分充軍。○一。軍職犯該侵盜錢糧。問擬永遠軍罪。例應次房子孫承襲者。除正犯現在。及有子孫。務要追贓完日。方許保

送得襲之人承襲。若正犯故絕。遺有該追錢糧。准令得襲之人。先行承襲。扣俸還官。若贓銀至數百兩。米數百石以上。扣至十年猶不能完者。餘贓應否開豁。撫按官勘明。奏請定奪。○一各處保送衛所襲替軍職。務要嚴加查覈。但係管運。曾經漕司叅提。應追完官入官贓銀。或挂欠京通倉庫各項錢糧。或犯該充軍降級。曾經完結。果無違礙。方許保送。如有朦朧保送者。掌印官及首先出結之人。問罪帶俸差操。有贓以枉法從重論。承襲之人。照舊監追完日。降一級承

襲其有不係充軍降級勘產盡絕不能辦納者

許其先行襲替扣俸還官

謹案以上十三條均係原例雍正三年以

軍職業已裁汰此例亦刪

○一武臣在任亡故及征傷失陷

者。自指揮至所鎮撫妻並給米五石終身無子

孫者亦如之為事亡故無承襲者不給

謹案此係原

例一武臣出征受傷者分別等第給賞陣亡者

按品予卹並給世職

謹案此係雍正三年改定

○一武職守

城失機貽患邊方者及武職臨陣退怯至所部

失陷二十人者並不准襲有犯不孝致典刑者

取祖父次子孫承繼襲職本犯子孫不許

謹案此係

係原例。雍正三年。刪去至所部失陷二十人句。  
改為武職守城失機。貽患邊方及武職臨陣退

怯者。乾隆五年又。○。世職有犯人命失機。強  
刪去承繼二字。

盜實犯死罪及免死充軍者。不分已決已遣監

故。並強盜脫逃自縊。子孫俱不准承襲。謹案此條係原

例。乾隆五年於末二句刪去強。○。故官子女  
盜二字。子孫上增本犯二字。

幼者。給全俸。女出嫁住支。父母老者。給全俸終

身。謹案此條係原例。。○。世職官亡故。戶無承襲。而其父

母年老者。給半俸終身。謹案此條雍正三年改定。。○。凡世職

官員物故。無應襲之人。官冊註銷者。其妻給半

俸終身。無妻。查原立職之官有親生母。亦給半

俸。如原立職之官無母。而襲職之官。或親母或

繼母在者。亦給半俸終身。

謹案此條雍正五年定。

一。世職

官亡故。

戶無承襲。其父母

繼母在者。

給半俸終

身。一。世職官物故。無應襲之人。官冊註銷者。如

無父母。其妻亦給半俸終身。無妻者。查原立職

之官。有親生母。亦給半俸。

謹案此二條係乾隆五年將前二條改定。

○一。凡世職年老。戶無承襲者。支全俸優給。襲

職之員未及年歲者。支給半俸。

謹案年老給全俸係原例。未及

歲者給半俸。係雍正五年定例。乾隆五年併為一條。

○一。凡世職將乞養

異姓與抱養族屬疏遠之人。用財買囑冒襲。及

受財將官職賣與同姓或異姓人冒襲。已經到部襲過者。冒襲之人。並保勘之官罷職。其世職永不得襲。保勘官以受財首先出與保結者為坐。連名保結者。俱依律減等科斷。有贓者並以枉法論。若朦朧保送違礙子孫弟姪者。俱照常發落。其異姓冒襲之人。比照乞養子冒襲律發邊遠充軍。謹案此條係原創。原文揭黃永不得襲。雍正五年將揭黃二字改為其世職三字。連名保結上。原文有衛所並都司掌印。合書官十字。雍正五年刪。○一。應襲之人。若父現在詐稱死亡冒襲官職者。發近邊充軍。候父故之日。許令以次兒男承襲。如無以

次兒男。令次房子孫承襲。

謹案此條係原例。首句本係應襲舍人。雍正三年以現無舍人名色。改舍字為之字。原文

正三年以現無舍人名色。改舍字為之字。原文發問罪調遣衛充軍。雍正三年改調字為發字。乾隆三十二年以後。例內遣衛充軍均改近遣充軍。並刪事發問罪四字。

○一。凡

襲職官員獲罪革職者。其世職與親兄弟承襲。

如無親兄弟。將世職註銷。雖原立職之人。有別

派子孫。亦不准襲。

謹案此條雍正五年定。

一。凡世襲官員。

如有因罪革退。例不准本犯子孫承襲者。其世

職與親兄弟承襲。若無親兄弟。即襲與兄弟之

子孫。若無親兄弟及兄弟之子孫。竟至除革者。

無論官之大小。俱將原立勳績之處。與被罪原



由。及原立官之子孫。一併查明請

旨定奪。

謹案此條係乾隆五年遵照雍正二年諭旨。將前例改定。

○一。各處

土官襲替。其通事人等。及各處逃流軍囚客人

等。有撥置土官親族不該承襲之人。爭襲劫奪

讎殺者。俱發極邊煙瘴地面充軍。

謹案此條係原例。乾隆五

年將第二句改為其通事及諸凡色目人等。

○一。凡土官襲職。由司

府州鄰具印甘各結。並土司親供宗圖。及原領

號紙。詳送督撫具題襲替。若應襲之人未滿十

五歲者。許令本族土舍護理印務。俟歲滿日具

題承襲。如有事故遲誤。年久方告襲者。宗圖號

紙有據亦准襲替。○一。凡土官故絕無子。許弟承襲。如無子弟。而其妻或壻為其下信服者。許令一人襲替。○一。凡土舍嫡妻護印。止令地方官查明。出具合例印烙咨部。准其護印。謹案以上三條

均係雍正五年定。

○一。凡土官病故。該督撫於題報之

時。即查明應襲之人。取具宗圖冊結鄰封甘結。並原領號紙。限六箇月內具題承襲。其未經具題之先。亦即令應襲之人。照署事官例用印管事。地方官如有勒指沈閣留難者。將該管上司均交部議處。其支庶子弟中有馴謹能辦事者。

俱許本土官詳報督撫具題請

旨。酌量給予職銜。令其分管地方事務。其所授職銜。視本土官降二等。文職如本土官係知府。則所分者給予通判銜。係通判。則所分者給予縣丞銜。武職如本土官係指揮使。則所分者給予指揮僉事銜。係指揮僉事。則所分者給予正千戶銜。照土官承襲之例。一體頒給。

敕印號紙。其所管地方。視本土官多不過三分之一。少則五分之一。此後如再有子孫可分者。亦再許其詳報督撫具題請。

旨。照例分管地方。再降一等。給予職銜印信號紙。謹案

此條雍正五年定。未經具題之先上。原文有土官病故之後句。交部議處。原文係照違限例議處。均於乾隆五年刪改。 ○一校尉事故。必須冊籍有名親

生兒男弟姪替補。若官旗將別姓朦朧詐冒替

補者。問罪。官旗調外衛帶俸食糧差操。冒替者

亦調衛充軍。謹案此條係原例。 一鑾儀衛校尉缺出。於

現役校尉親生兒男弟姪內。選擇堪用者替補。

如校尉子弟不足。移文五城。將身家殷實民人

保送選補。其養象校尉缺出。即以所生兒男替

補。有朦朧冒替者。俱問罪以違。

制論

謹案此條雍正三年改定

○一。文武官員。例應請封一代。有

願以本身及妻

誥封。胞封。祖父母者。皆准胞封。○一。八九品官。止封

本身。有願胞封父母者。准其父母並封。教授。照

知縣例。封文林郎。並封一代。學正。教諭。照縣丞

例。封修職郎。訓導。照主簿例。封登仕郎。俱封本

身。有願胞封者。亦准其父母並封。其八九品官

之母。封為八品孺人。九品孺人。凡有三母者。繼

母生母與嫡母。准一併封贈。

謹案以上二條俱係雍正五年定。封

贈條目。於律例無涉。且不全備。乾隆五年刪。

大臣專擅選官。○凡除授官員。兼文武應選者。須從

朝廷選用。若大臣專擅選用者斬。監候。若大臣親戚

非科貢應選等項。係不應選者。非奉

特旨。不許除授官職。違者罪亦如之。受選除者俱免坐。其現

任在

朝官員。面

諭差遣。及改除。職外。不問遠近。託故不行者。並杖一百。

罷職不敘。○附律條例。一。內外管屬衙門官吏。有係

父子兄弟叔姪者。皆須從官卑者迴避。謹案此條例原

例乾隆五年以官員迴避。應載銓選則例。與律例無涉。刪。○一。文武職官人

等。不由銓選推舉。徑自朦朧奏請。希求進用。黃

緣奔競。阻壞選法者。俱問罪黜革為民。

謹案此條雍正

三年

定。一。文武職官人等。不由銓選推舉。徑自朦

朧奏請。希求進用者。依假以上書希求選用律。  
杖一百。如黃緣奔競。阻壞選法者。有財依以財  
行求。計贓治罪。無財依違

制律杖一百。

謹案此條嘉慶十五年改定。

文官不許封公侯。○凡文官非有大功勳於國  
家。而所司朦朧奏請。輒封公侯爵者。當該官吏  
及受封之人皆斬。

監候。

其生前出將入相。能除大

患。盡忠報國者。同開國功勳一體封侯謚公。不

用此律。

生受爵祿曰封。死賜褒贈曰謚。

選用軍職。凡守禦去處。千戶百戶鎮撫有關。

一具闕本實封

御前開拆。一行都指揮使司轉達兵部奏

聞。取自

上裁選用。若先行委人權管。希望實授者。當該管吏

各杖一百。罷職役充軍。若選用總旗。須於截過

鐵槍人內委用。其小旗從便選充。不拘此律。若

委人係望實授者。照黃緣。奔競事例。降調帶俸差操。○附律。一。兵部將所



屬官員通行考選。每衛不限指揮使同知僉事共三員。衛鎮撫一員。如無鎮撫。選相應千戶署管。每所不拘正副千戶一員。百戶十員。專管軍政。俱限年二十五歲以上。五十歲以下。有六十歲以上。精力未衰者。驗實存留。現任不敷。許選別衛。先儘現任。次帶俸。後遇在外五年之期。在京亦復舉行。江南衛所照例。其終身帶俸官。除犯貪淫。五年之後能改過自新者。巡撫巡按官保用。○一。軍政急缺。在外從巡撫巡按定委奏保。在京從各衛軍政首領保舉。係親軍者。在京

兵部覆勘定奪。不拘五年後。犯貪淫等罪。連坐舉主。○一。江南各衛所軍政員缺。不許以千戶署衛事。百戶署所事。漕運有缺。亦行江南該衛門照軍政事例選補。不許坐名行取。掌印佐貳官員代替。○一。文武官員軍民人等。有諳曉兵法。謀勇過人。弓馬熟嫻者。並許保舉。試中者。無官授以冠帶。有官仍舊職。撥團營操練聽調。邊方舉者。就各邊操備。其有才兼文武。堪為大將。而恥於自進者。各舉所知。○一。跟隨出征將官頭目。不分有無職役人等。若非奏帶。不許報功。

果係奏帶獲功該升職役止合註於本管衙門  
不許希求註於鑒儀衛違者該升職役俱革罷  
扶同勘報者叅究治罪若文武職官人等不由  
銓選推舉竟自朦朧奏請希求進用夤緣奔競  
乞恩傳奉等項阻壞選法者俱問罪武職降級  
調衛旗軍舍餘發邊衛俱帶俸食糧差操文職  
黜退為民。○一軍職五年一次考選現任管軍  
管事若營求囑託者就指名黜退永令帶俸差  
操其力撥之徒不得與選輒生事端教唆陷害  
已選官員者問罪不分官軍俱調邊衛帶俸食

糧差操

謹案雍正三年奏准。今無軍衛世職其旗員武弁選用之法。俱與此絕不相符。

律文例  
文俱例。

濫設官吏。凡內外各衙門。官有額定員數。而

多添設者。當該官吏。

指典選者。

一人杖一百。每三人

加一等。罪止杖一百。徒三年。

若受贓計贓以枉法從重論。

若

吏典知印及承差祇候。禁子弓兵人等。額外濫

充者。杖一百。違徒。

比流減半。准徒二年。

容留一人。正官答

六十。首領答三十。吏答四十。每三人各加一等。

並罪止杖一百。罪坐所由。

容留之人。不坐。

其罷閒官吏。

在外干預官事。結攬寫發文案。把持官府。蠹政

害民者。並杖八十。於犯人名下追銀二十兩。付

告人充賞。有所規避者。從重論。若官府稅糧由

帖戶口籍冊雇募攢寫者勿論。○附律條例一。內外

大小衙門。撥到吏典。照缺收叅。若舊吏索要頂

頭錢者。事發問罪。不分得財多寡。俱照行止有

虧事例。革役為民。謹案此條係原例。雍正三年將撥到二字改為考取收叅

二字。改為補用。一。內外大小衙門。考取吏典。照缺補用。

若舊吏索頂頭錢者。事發計贓。准不枉法論。革

役為民。謹案此條乾隆五年改定○一。吏典撒潑抗拒。誣告

本管官員。及犯誑騙詐欺恐嚇取財。未得入己。

並偷盜自首者。俱

照律問擬。

發原籍為民。

謹案此條係原例。

○一。京官假託雇役名色。受財賣放辦事吏典

者。官以贓論。吏發原籍為民。若吏典恃頑私自

在逃一年以上者。亦問發為民。

謹案此條係原例。雍正三年以

官員受財。各有本律。吏典在逃。即行革役。此例刪。

○一。在京大小衙門

當該吏典。有患病一月者。勘實。就將該支俸糧

截日住支。名缺行移吏部撥補。待病痊日。仍送

原役衙門收候參補。若有姦懶託故以圖改撥

者。問發原籍為民。

謹案此條係原例。雍正三年以吏典不支俸糧。亦無因病

革退病痊參補之例。刪。

○一。府州縣額設祇候禁子弓兵。

於該納稅糧三石之下二石之上戶內差點除稅糧外與免雜泛差役毋得將糧多上戶差占。謹案此條係原例乾隆五年以今府州縣無祇候名目其禁子弓兵均係照例召募投充並無按照稅糧差點之例亦無優免雜泛差役之處刪。○一各處司府州縣

衛所等衙門主文書算快手皂隸總甲門禁庫子人等久戀衙門說事過錢把持官府飛詭稅糧起滅詞訟陷害良善及賣放強盜誣執平民為從事發有顯迹情重者旗軍問發邊衛民並軍丁發附近俱充軍情輕者問罪枷號一月縱容官員作罷輒黜退失覺察者照常發落若各

鄉里飛詭稅糧二百石以上者亦問發邊衛充

軍

謹案此條係原例雍正三年將旗軍問發邊衛民並軍丁發附近俱充軍勾改為軍民俱

問發附近充軍乾隆五年以例內所指各款已分見各律毋庸複出刪

○一坐糧

廳所屬八行運役及倉役名缺責令通州知州

僉選誠實良民應役如保送旗人及民人以一

身而充兩三役者倉場侍郎巡倉御史察出題

叅知州交部議處該役及保結之人杖八十徒

二年

謹案此條雍正三年定

○一直省大小衙門經制書

吏即在現充書識內擇勤慎能辦事之人覈實取結承充儻有懸挂空名並不親身著役將本



人照吏典人等額外濫充律治罪。該本管官照

例議處。

謹案此條乾隆五年定。

○歷年事例

康熙十二年覆准。

凡白役隨正身衙役嚇詐。未經查出之官。罰俸六月。又官員於定數外留用白役。承票差遣。累民婪贓者。照失察衙役犯贓例議處。若正役犯贓事發。官員飾稱白役。自圖脫卸失察之罪者。革職。○又題准。凡衙門供役。止許正身。有私用白役者。將正身及白役俱杖一百。革役。其白役犯贓。正身知情同行者。照衙役犯贓例治罪。不知情不同行者不坐。○又覆准。白役犯贓。正身

雖不同行。亦照親身犯贓例治罪。○十八年覆  
准。凡督撫司道衙門。各照定額供役。不許多設。  
司道互相揭報。督撫亦互相糾舉。徇庇者。科道  
據實糾叅。治以縱蠹殃民之罪。○又議准。凡蠹  
役害民。司道府州縣不行舉報。督撫不行訪拏。  
別經發覺者。徇庇之司道府州縣等官。降二級  
調用。不題叅之督撫。罰俸一年。至訪拏衙蠹並  
贓私數目。年底造冊題報。○雍正五年議准。凡  
直省書役年滿缺出。遵例召募。務查該役本籍  
本姓。取具鄰佑親族連名保結。及地方官印結。

方准著役。有暗行頂買索取稅銀者。缺主照枉法受財律計贓定擬。至八十兩者絞。頂缺之人。照以財行求律。至五百兩者杖一百。徒三年。出結人等。依不應重律杖八十。該管官員及督撫俱交部分別議處。其年滿考職時。於移咨內填寫並無假姓冒籍字樣。吏部方准收考。若有冒籍冒名等弊。事發者。革去職銜。杖一百。不能稽查之該管等官。俱照失察例議處。至衙門一切案件。若書吏定稿。以致高下其手。駁詰不已。有贓者。照枉法律科罪。無贓者杖八十。革役。該管

官並督撫亦交部分別議處。○乾隆二十九年議准捕役之設。原以緝匪安良。而其作姦犯科者。每卽為良善之害。故律例所載。如藉端索詐。誣拏私拷。以及盜賊分贓等弊。所以治捕役之罪者最嚴。而失察徇縱之本管官。處分亦綦重。立法本極周詳。惟是捕役之充補。止憑州縣官之召募。該上司衙門。並無冊檔可稽。遇有捕役生事擾民。不肖有司。往往巧避處分。或指現役為己革。或捏正身為假充。蒙混申報。上司因其更替靡常。無憑稽查。遂致州縣易售其欺詐。庇

役長姦為害匪淺。嗣後各省州縣額設捕役。令該管道府存查。如有事故革除召募頂補之處。亦令隨時詳報備案。不得過十日之限。儻遇捕役有犯。各該上司按冊可稽。州縣官不能巧為開脫。以避處分。而捕役亦漸知斂戢。